



DOM ZDRAVLJA ČELIĆ

Ul. Šadić Zlatana Zlaje br. 41, 75246 Čelić, Bosna i Hercegovina
Tel. +387 35 366 300, Fax +387 35 366 301
E-mail: domzdravljacelic@bih.net.ba Web: www.dzcelic.com

Broj: 01 - 2153-10 /19
Čelić, 07.10.2019. godine

Na osnovu člana 70. st. (1), (3) i (6) Zakona o javnim nabavkama ("Službeni glasnik BiH" br. 39/14) i člana 48. Statuta Javne zdravstvene ustanove Dom zdravlja Čelić, direktor Doma zdravlja Čelić donosi

ODLUKU

o izboru najpovoljnijeg ponuđača u postupku javne nabavke roba putem konkurentskog zahtjeva sa namjerom provođenja e-aukcije

I.

(1) Prihvata se preporuka Komisije za javne nabavke Doma zdravlja Čelić broj: 04/1-2151-10/19 od 07.10.2019. godine, da se ugovor za nabavku i sukcesivnu isporuku mrkog uglja za potrebe JZU Dom zdravlja Čelić, dodijeli najpovoljnijem ponuđaču Harmeli d.o.o. Banovići, ponuda broj: 04/1-2014-09/19 od 19.09.2019. godine, u iznosu od 19.375,00 KM bez PDV, odnosno u ukupnom iznosu od 22.668,75 KM s uključenim PDV.

(2) Procedura zaključivanja ugovora će početi nakon što izabrani ponuđač u roku od sedam dana, u originalu ili kopiji ovjerenoj od strane nadležnog organa, dostavi dokaze o kvalificiranosti iz tačke 3.1.2. tenderske dokumentacije prema članu 45. Zakona o javnim nabavkama, dokaze iz tačke 3.2. tenderske dokumentacije prema članu 46. Zakona o javnim nabavkama, kao i dokaz iz tačke 3.4. tenderske dokumentacije prema članu 49. Zakona o javnim nabavkama ("Službeni glasnik BiH" br. 39/14) i kada odluka postane konačna u smislu člana 101. Zakona o javnim nabavkama ("Službeni glasnik BiH" br. 39/14).

II.

Ova Odluka će se uputiti svim ponuđačima koji su učestvovali u postupku javne nabavke i istovremeno će biti objavljena na internetskoj stranici Doma zdravlja Čelić, u skladu sa članom 70. stav (6) Zakona o javnim nabavkama.

III.

Odluka stupa na snagu danom donošenja.

Obrazloženje

Postupak javne nabavke roba pokrenut je u skladu sa Izmijenjenim i dopunjenim Planom nabavki za 2019. godinu, referentni broj iz Plana 11. i na osnovu Odluke o pokretanju postupka javne nabavke broj: 01-1909-09/19 od 09.09.2019. godine.

Javna nabavka provedena je putem konkurentskog zahtjeva za dostavu ponuda uz provođenje e-aukcije. Ukupna procijenjena vrijednost nabavke iznosila je 17.948,72 KM bez PDV-a, odnosno 21.000,00 KM sa uključenim PDV-om.

U skladu sa članom 35. stav (1) i 36. stav (1) Zakona o javnim nabavkama („Službeni glasnik BiH", broj 39/14) (u daljem tekstu: Zakon), Ugovorni organ je objavio obavještenje o pokretanju konkurentskog zahtjeva sa namjerom provođenja e-aukcije broj: 644-7-1-153-3-8/19, objavljeno 09.09.2019. godine.

Do krajnjeg roka za dostavu ponuda, na Protokol Doma zdravlja Čelić blagovremeno su prispjele ukupno tri ponude zatvorene u koverti, uredno zapečaćene i neotvorene od sljedećih ponuđača:

RB	Broj protokola	Naziv/ime ponuđača (šifra)	Datum i sat prijema
1.	04/1-1979-09/19	Đuzel d.o.o. Banovići	16.09.2019. u 13:40
2.	04/1-2014-09/19	Harmeli d.o.o. Banovići	19.09.2019. u 12:45
3.	04/1-2035-09/19	Ilić - Trgovina d.o.o. Zvornik	23.09.2019. u 08:05

Neblagovremenih ponuda nije bilo.

U skladu sa članom 65. Zakona Komisija za javne nabavke Doma zdravlja Čelić (u daljem tekstu: Komisija) je izvršila pregled i ocjenu ponuda na osnovu kojih je izvršen odabir najpovoljnije ponude za nabavku predmetne robe iz člana I. ove Odluke i sačinila Zapisnik o pregledu i ocjeni ponuda sa detaljnim obrazloženjem odabira broj: 04/1-2152-10/19 od 07.10.2019. godine.

U postupku pregleda i ocjene ponuda, uzimajući u obzir kvalificiranost ponuđača, ispunjenost uslova utvrđenih tenderskom dokumentacijom, Komisija je utvrdila da su ponuđači Đuzel d.o.o. Banovići, Harmeli d.o.o. Banovići i Ilić-Trgovina d.o.o. Zvornik u potpunosti kvalifikovani u skladu sa zahtjevima iz tenderske dokumentacije.

Komisija je prije provođenja e-aukcije razmotrila najpovoljnije ponude vezano za postojanje mogućnosti neprirodno niske cijene ponude u skladu s odredbama člana 17. stav (7) Uputstva za pripremu modela tenderske dokumentacije i ponuda, te odredbama tačke 6.5. tenderske dokumentacije, te je ustanovila da u ovom postupku javne nabavke nisu postojali elementi niske cijene.

Komisija je prije provođenja e-aukcije izvršila i analizu ponuda u smislu primjene preferencijalnog tretmana domaćeg u skladu s tačkom 4.9. tenderske dokumentacije. Ponuđači su bili dužni izjasniti se da li uživaju preferencijalni tretman domaćeg na osnovu navedenih odredbi tenderske dokumentacije u izjavama ponuđača u sklopu Obrasca za dostavu ponuda (tačka 4). Ponuđači Đuzel d.o.o. Banovići i Harmeli d.o.o. Banovići izjasnili su se u izjavi ponuđača u sklopu Obrasca za dostavu ponuda (tačka 4) da uživaju preferencijalni tretman domaćeg, dok se ponuđač Ilić-Trgovina d.o.o. Zvornik izjasnio da ne uživa preferencijalni tretman domaćeg. Komisija je utvrdila da je ponuđač Harmeli d.o.o. Banovići dostavio ovjerenu kopiju Potvrde Vanjsko-trgovinske komore BiH, dok ponuđač Đuzel d.o.o. Banovići nije dostavio odgovarajuću potvrdu vanjskotrgovinske komore ili druge nadležne institucije. Obzirom da je tačkom 4.9. tenderske dokumentacije definisano da lična izjava ponuđača da uživa preferencijalni tretman domaćeg ili da ponuda dolazi iz zemalja CEFTA, bez odgovarajuće potvrde vanjskotrgovinske komore ili druge nadležne institucije se neće smatrati kao validan i dovoljan dokaz, i ukoliko ponuđač ne dostavi traženi dokaz o preferencijalnom tretmanu domaćeg, ili ponudi robu koja dolazi iz zemalja CEFTA, njegova ponuda neće biti odbijena, ali ista neće uživati preferencijalni tretman domaćeg, odnosno tretman ponude iz zemalja CEFTA, te je u tom smislu ocijenjeno da ponuda ponuđača Đuzel d.o.o. Banovići u ovom postupku ne uživa primjenu preferencijalnog tretmana domaćeg.

Analizom najpovoljnije ponude s aspekta procijenjene vrijednosti nabavke i raspoloživih sredstava za finansiranje nabavke, Komisija je ustanovila da je iznos najpovoljnije ponude veći od procijenjene vrijednosti nabavke, te je od ugovornog organa tražen podatak o ispravnosti procijenjene vrijednosti nabavke i raspoloživosti sredstava za finansiranje u vrijednosti iznosa najpovoljnijih ponuda, na što je ugovorni organ odgovorio da raspolaže sredstvima.

U postupku pregleda i ocjene ponuda, uzimajući u obzir kvalificiranost ponuđača, ispunjenost uslova utvrđenih tenderskom dokumentacijom, uz primjenu kriterija najniža cijena, a nakon provedene e-aukcije, Komisija je sačinila konačnu rang listu prema vrijednosti dostavljenih ponuda kako slijedi:

RB	Naziv i sjedište ponuđača	Konačan iznos ponude u KM bez PDV nakon provedene e-aukcije	Rang
1.	Harmeli d.o.o. Banovići	19.375,00	1
2.	Đuzel d.o.o. Banovići	19.765,00	2
3.	Ilić-trgovina d.o.o. Zvornik	22.500,00	3

Nakon završenog pregleda i ocjene ponuda, Komisija je dostavila direktoru Zapisnik o pregledu i ocjeni ponuda broj: 04/1-2152-10/19 od 07.10.2019. godine i Preporuku za izbor najpovoljnijeg ponuđača za nabavku lijekova broj: 04/1-2151-10/19 od 07.10.2019. godine kojom je Komisija jednoglasno predložila ponuđača navedenog u članu I. ove Odluke kao najpovoljnijeg u ovom postupku javne nabavke.

Stoga, na osnovu kriterija najniža cijena, u provedenom postupku javne nabavke: Nabavka i sukcesvina isporuka mrkog uglja za potrebe JZU Dom zdravlja Čelić koji je proveden putem konkurentskog zahtjeva za dostavu ponuda uz provođenje e-aukcije, direktor JZU Dom zdravlja Čelić donosi Odluku o izboru najpovoljnijeg ponuđača u postupku javne nabavke roba putem konkurentskog zahtjeva za dostavu ponuda uz provođenje e-aukcije, kojom je kao najpovoljniji ponuđač izabran ponuđač Harmeli d.o.o. Banovići.

U skladu sa članom I. stav (2) ove Odluke procedura zaključivanja ugovora će početi nakon što izabrani ponuđač u roku od sedam dana dostavi dokaze o kvalificiranosti iz tačke 3.1.2. tenderske dokumentacije prema članu 45. Zakona o javnim nabavkama, dokaze iz tačke 3.2. tenderske dokumentacije prema članu 46. Zakona o javnim nabavkama, kao i dokaz iz tačke 3.4. tenderske dokumentacije prema članu 49. Zakona o javnim nabavkama ("Službeni glasnik BiH" br. 39/14). Navedenu dokumentaciju izabrani ponuđač je dužan dostaviti u originalu ili kopiji ovjerenoj od strane nadležnog organa.

Izabrani ponuđač Harmeli d.o.o. Banovići koji je u tenderskoj dokumentaciji dostavio dio navedene dokumentacije u originalu ili kopiji ovjerenoj od strane nadležnog organa, nije obavezan ponovo dostavljati dokumentaciju.

Ponuđač Harmeli d.o.o. Banovići je u kopiji ovjerenoj od strane nadležnog organa dostavio sljedeće dokaze:

- iz tačke 3.2. tenderske dokumentacije prema članu 46. Zakona o javnim nabavkama Aktuelni izvod iz sudskog registra, kopija ovjerena 18.09.2019. godine,
- iz tačke 3.4. tenderske dokumentacije prema članu 49. Zakona o javnim nabavkama Izvještaj broj: 21/19ILTz-OUg o vanrednoj analizi uzoraka uglja izdat od „Inspekt RGH“ d.o.o. Sarajevo, ispitni laboratorij Tuzla, kopija ovjerena 18.09.2019. godine.

Navedenu dokumentaciju, kao što je navedeno, ponuđač nije obavezan ponovo dostavljati.

Ponuđač Harmeli d.o.o. Banovići je obavezan dostaviti svu dokumentaciju iz tačke 3.1.2. tenderske dokumentacije prema članu 45. Zakona o javnim nabavkama, u originalu ili ovjerenoj kopiji, i to sljedeću dokumentaciju:

- a) uvjerenje nadležnog suda (Suda BiH i suda nadležnog prema sjedištu ponuđača) kojim dokazuje da u krivičnom postupku nije izrečena pravosnažna presuda kojom je osuđen za krivično djelo organizovanog kriminala, korupciju, prevaru ili pranje novca;
- b) uvjerenje nadležnog suda ili organa uprave kod kojeg je registriran ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- c) uvjerenja nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penzijsko i invalidsko osiguranje i zdravstveno osiguranje;
- d) uvjerenja nadležnih institucija da je ponuđač izmirio dospjele obaveze u vezi s plaćanjem direktnih i indirektnih poreza.

Ugovor sa izabranim ponuđačem će se zaključiti kada odluka postane konačna u smislu člana 101. Zakona o javnim nabavkama ("Službeni glasnik BiH" br. 39/14).

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnova za neprihvatanje preporuke Komisije za predmetnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uzimajući u obzir sve navedeno, odlučeno je kao u dispozitivu ove odluke.

Pouka o pravnom lijeku: Protiv ove odluke ponuđači koji su učestvovali u postupku javne nabavke mogu izjaviti žalbu Uredu za žalbe putem ugovornog organa, najkasnije u roku od pet dana od dana prijema ove odluke.

Dostavljeno:

1. Harmeli d.o.o. Banovići
2. Đuzel d.o.o. Banovići
3. Ilić – Trgovina d.o.o. Zvornik
4. U spis predmetne nabavke
5. a/a



Direktor

Dr Zekerija Avdić, spec.internih bolesti